

(চিত্ত-বিকাশ)

[১৮৯৮ খ্রীষ্টাব্দে প্রথম প্রকাশিত]

(হেমচন্দ্র) বন্দ্যোপাধ্যায়

সম্পাদক
শ্রীসজনীকান্ত দাস



বঙ্গীয়-সাহিত্য-পরিষৎ
২৪৩৫, আগার সারকুলার রোড,
কলিকাতা-৬

প্রকাশক
শ্রীসনৎকুমার গুপ্ত
বঙ্গীয়-সাহিত্য-পরিষৎ

প্রথম সংস্করণ—আষাঢ়,
মূল্য এক টাকা

শনিরঞ্জন প্রেস, ৫৭ ইন্ডিয়া বিখাস রোড, কলিকাতা-৩৭ হইতে
শ্রীসনৎকুমার দাস কর্তৃক মুদ্রিত ও প্রকাশিত
১২—৪. ১. ৫৩

ভূমিকা

‘চিন্ত-বিকাশ’ হেমচন্দ্রের শেষ কাব্যগ্রন্থ। দুঃখ-দারিদ্র্য-ব্যাধি-পীড়িত কবির শেষ জীবনের কয়েকটি কবিতা ইহাতে স্থান পাইয়াছে। মর্মান্তিক ব্যক্তিগত আক্ষেপ ও হাহাকারে কয়েকটি কবিতা ওতপ্রোত, কবি-জীবনের অনেক ইঙ্গিতও এইগুলিতে আছে। ‘চিন্ত-বিকাশ’কে ছন্দে কবির আত্মকথা বলা যাইতে পারে। ইহা ২২ ডিসেম্বর ১৮৯৮ প্রকাশিত হইয়াছিল; অক্ষয়চন্দ্রের মতে—

১৩০৫ সালের ২ই পৌষ, সে দিন বলিলেই হয়, হেমবাবুর চিন্তের অভিনব বিকাশ ‘চিন্ত-বিকাশ’ প্রকাশিত হইল। ‘চিন্ত-বিকাশ’ের দুইটি কবিতা আমাদের মর্মান্বাহন করে। হেমচন্দ্রের দুঃখে আমাদের দুঃখ। একটি কবিতা— ‘হের ঐ তরুটির কি দশা এখন’, অন্যটি ‘বিভু, কি দশা হবে আমার?’... এই সকল ১৩০৫ সালে প্রকাশিত হয়; ১৩১০ সালের ১০ই জ্যৈষ্ঠ হেমচন্দ্রের জালা-যজ্ঞগা জুড়াইয়াছে। তিনি অমরধামে অধিষ্ঠিত হইয়াছেন।—‘কবি হেমচন্দ্র,’ ২য় সং, পৃ. ১২-১৬।

প্রথম সংস্করণ ‘চিন্ত-বিকাশ’ের পৃষ্ঠা-সংখ্যা ৭০, আখ্যাপত্র এই—

চিন্ত-বিকাশ। শ্রীহেমচন্দ্র বন্দ্যোপাধ্যায় প্রণীত। “Renounce all strength.....for ever thine.” Cowper. শ্রীঅনিলচন্দ্র বন্দ্যোপাধ্যায় কর্তৃক প্রকাশিত। ভেলুপুরা, বেনারস সিটি। ৮কাশীধাম। ১৩০৫ দশাখমেধ ঘাট, অমর যজ্ঞালয়। শ্রীঅনিলচন্দ্র বন্দ্যোপাধ্যায় কর্তৃক মুদ্রিত। মূল্য ১/০ ছয় আনা।

শ্রীমদ্ব্যধনাথ ঘোষ প্রণীত ‘হেমচন্দ্র’ তৃতীয় খণ্ডের (১৩৩০) সম্পূর্ণ সপ্তম পরিচ্ছেদটি (পৃ. ১৮৭-২৩৪) ‘চিন্ত-বিকাশ’ সংক্রান্ত। এই অধ্যায়ের শিরোনামাতেই গ্রন্থের পরিচয় আছে—“অন্ধাবস্থা—‘চিন্ত-বিকাশ’।” তাঁহার জীবনে যে যে দুঃখকর ঘটনা কবিতাগুলি রচনার কারণ হইয়াছিল, তাহার তালিকা শ্রীমদ্ব্যধনাথ ঘোষ দিয়াছেন। সমসাময়িক সাময়িকপত্রে (‘প্রদীপ,’ ‘সাহিত্য’ প্রভৃতি) ‘চিন্ত-বিকাশ’ের অমূল্য সমালোচনা প্রসিদ্ধ সাহিত্যিকেরা করিয়াছিলেন।

গ্রন্থকারের জীবিতকালের সংস্করণগুলি হইতে বর্তমান সংস্করণের পাঠ প্রস্তুত হইয়াছে।

চিত্ত-বিকাশ

**“Renounce all strength but strength divine ;
And peace shall be for ever{thine.”**

Cooper

বিজ্ঞাপন

শরীর সুস্থ এবং মনের সুখ না থাকিলে কোন চিন্তার কার্য হয় না, বিশেষতঃ গ্রন্থ প্রণয়ন অথবা কবিতা রচনা করিতে হইলে ঐ দুইটি নিতাস্ত প্রয়োজনীয়। দুর্ভাগ্যক্রমে আমার ঐ দুইটিরই অভাব হইয়াছে, তথাচ চিন্তায় কালাতিপাত না করিয়া আত্মকল্পনা ও প্রকৃতির শোভা সন্দর্শনে মনে যে সকল ভাবের উদয় হইয়াছিল, তাহা কবিতাকারে নিবন্ধ করিলাম। উপরি লিখিত অবস্থাক্রমে ইহা যে সকল সঙ্গদয় মহাত্মাগণের চিন্তাবিনোদক হইবে, ইহার আশা নাই। তবে বিদ্যালয়ের ছাত্রদিগের কিছু উপকারে আসিতে পারে, এই ভাবিয়া ইহা মুদ্রিত করিলাম।

কাশীধাম

ইং ১৮৯৮২২ ডিসেম্বর

বাং ১৩০৫।৯ পৌষ

শ্রীহেমচন্দ্র বন্দ্যোপাধ্যায়

সূচীপত্র

| বিষয় | পৃষ্ঠা |
|-------------------------|--------|
| হের ঐ তরুটির কি দশা এখন | ৫ |
| বিভু, কি দশা হবে আমার ? | ৬ |
| কি হবে কাঁদিয়া ? | ৮ |
| জয় জগদীশ জয় বল রে বদন | ১১ |
| কৌমুদী | ১৩ |
| স্বতিন্দুখ | ১৪ |
| খটোত | ১৬ |
| আলোক | ১৭ |
| ফুল | ১৯ |
| সরিং সময় | ২১ |
| কল্পনা | ২৩ |
| প্রজাপতি | ২৮ |
| জন্মভূমি | ২৯ |
| কি সুখের দিন | ৩৩ |
| ধনবান্ | ৩৫ |
| ভালবাসা | ৩৭ |
| অতৃপ্তি | ৩৯ |
| মৃত্যু | ৪২ |
| শিশু বিয়োগ | ৪৪ |
| ব্রজবালক | ৪৬ |
| কবিতা সুন্দরী | ৪৮ |

চিত্ত-বিকাশ

হের ঐ তরুটির কি দশা এখন

হের ঐ তরুটির কি দশা এখন ;
বিরাজিত বনমাঝে আগে সে কেমন !
ছিল সুরসাল কাণ্ড, সুচারু গঠন,
উন্নত শিখরে অত্র করিত ধারণ,
শাখা শাখী চারি ধারে উঠিত কেমন,
বিটপে আতপতাপ হইত বারণ ।

পড়িত তাহার তলে ছায়া সুশীতল,
ফুটিত কেমন ফুল কিবা পরিমল ।
কতই লতিকা উঠে জড়াইত গায়,
কতই পথিক শ্রান্ত আসিত তলায় ।
ঝটিকা-ঝাপটে এবে হারায়ে স্ব-বল,
হেলিয়া পড়েছে আজি পরশি ভূতল ।
শুকায়েছে শুকাতেছে বিটপ-পত্রিকা,
খসিয়া পড়েছে ভূমে আশ্রিত লতিকা ।
শুষ্ক ফল পুষ্প পড়ি ভূমিতে লুটায়,
আশে পাশে বিহঙ্গেরা উড়িয়া বেড়ায়,
নিরাশ্রয় ভগ্ননাড় নিকটে না যায় ।

পথিক সতৃষ্ণ নেত্রে তরুপানে চায়,
ছায়া বিনা কেহ সেথা বসিতে না পায়,
নিকটে আসিয়া কেহ ক্ষণ না দাঁড়ায়,
পূর্বকথা ব'লে ব'লে পথে চলে যায় ।
দেখিয়া তরু রে তোরে, প্রাণ কাঁদে মম,
আছিল আমার(ও) আগে সবই তো'র সম,

হেমচন্দ্র-গ্রন্থাবলী

শাখা শাখী ফল পুষ্প সুবেশ সুজ্ঞান,
করেছি কতই জনে সুচ্ছায়া প্রদান ।

হেলিয়া আমার গায় লভিয়া আশ্রয়,
কতই লভিকা লতা ছিল সে সময়,
নিজ পর ভাবি নাই অনন্ত উপায়,
যে এসেছে আশা করে দিয়াছি তাহায়,
এখন আপনি হেলে পড়েছি ধরায়,
স্বগণ আশ্রিত জন কাঁদিয়া বেড়ায়,
কে দেখে আমারে আজ কিরায়ে নয়ন,
হের ঐ তরুটির কি দশা এখন ।

বিভু, কি দশা হবে আমার ?

বিভু ! কি দশা হবে আমার ?
একটি কুঠারাঘাত, শিরে হানি অকস্মাৎ,
ঘুচাইলে ভবের স্বপন,—
সব আশা চূর্ণ ক'রে, রাখিলে অবনৌ'পরে,
চিরদিন করিতে ক্রন্দন ॥

আমার সঞ্চল মাত্র, ছিল হস্ত পদ নেত্র,
অন্য ধন ছিল না এ ভবে,
সে নেত্র করে হরণ, হরিলে সর্বস্ব ধন,
ভাসাইয়া দিলে ভবার্গবে ॥

চৌদিকে নিরাশা-টেউ, রাখিতে নাহিক কেউ,
সদা ভয়ে পরাণ শিহরে ।
যখন আগের কথা মনে পড়ে, পাই ব্যথা,
দিবানিশি চক্ষে জল ঝরে ॥

কোথা পুত্র কন্যা দারা, সকলই হয়েছি হারা,
গৃহ এবে হয়েছে শ্মশান।

ভাবিতে সে সব কথা, হৃদয়ে দারুণ ব্যথা,
নিরাশাই হেরি মূর্ত্তিমান্ ॥

সব ঘুচাইলে বিধি, হরে নিয়া চক্ষুনিধি,
মানবের অধম করিলে।

বল বিস্ত সব হীন, পর-প্রতিপাল্য দীন,
ক'রে ভবে বাঁধিয়া রাখিলে ॥

জীবের বাসনা যত, সকলই করিলে হত,
অন্ধকারে ডুবায়ে অবনী ;

না পাব দেখিতে আর, ভবের শোভা-ভাণ্ডার,
চির অস্তমিত দিনমণি ॥

ধরা শূন্য স্থল জল, অরণ্য ভূমি অচল,
না থাকিবে কিছু(ই) বিচার,

না রবে নয়নে দৃষ্টি, তমোময় সব সৃষ্টি,
দশ দিক্ ঘোর অন্ধকার—

বিভূ ! কি দশা হবে আমার ॥

প্রতি দিন অংশুমালী, সহস্র কিরণ ঢালি,
পুলকিত করিবে সকলে,

আমারি রজনী শেষ, হবে না কি ? হে ভবেশ !
জানিব না দিবা কারে বলে ॥

আর না সুধার সিদ্ধ, আকাশে দেখিব ইন্দু,
প্রভাতে শিশির-বিন্দু জলে,

শিশির বসন্ত কাল, আসে যাবে চিরকাল,
আমি না দেখিব কোন কালে ॥

বিহঙ্গ পতঙ্গ নর, জগতের সুখকর,
তাও আর হবে না; দর্শন,

হেমচন্দ্র-প্রস্থাবলী

থাকিয়া সংসার-ক্ষেত্রে, পাব না দেখিতে মেত্রে,
দেবতুল্য মানব-বদন ॥

নিজ পুত্র-কণ্ঠা-মুখ, পৃথিবীর সার সুখ,
তাও আর দেখিতে পাব না,
অপূৰ্ব ভবের চিত্র, থাকিবে স্মরণে মাত্র,
স্বপ্নবৎ মনের কল্পনা ।

কি নিয়ে থাকিব তবে, কি সাধনা সিদ্ধ হবে,
ভবলীলা ঘুচেছে আমার,
বৃথা এবে এ জীবন, হর না কেন এখন,
বৃথা রাখা ধরণীর ভার ॥

ধম নাই বন্ধু নাই, কোথায় আশ্রয় পাই,
তুমিই হে আশ্রয়ের সার,
জীবনের শেষ কালে, সকলি হরিয়া নিলে,
প্রাণ নিয়া ছুখে কর পার—
বিভূ । কি দশা হবে আমার ॥

কি হবে কাঁদিয়া ?

কি হবে কাঁদিয়া জগৎ ভরিয়া,
সবারি এ দশা কিছু চির নয়,
চির দিন কারো নাহি রয় স্থির,
চিরকাল কারো সমান না যায় ।

পরিবর্তনময় সদা এ জগৎ,
নাহি ভেদাভেদ ক্ষুদ্র কি মহৎ,
হ্রাস বৃদ্ধি নাশ যার যে নিয়ত,
পল অরুপল পৃথিবীময় ।

আমি কিবা ছার নগণ্য পামর,
শত শত কত মহাভাগ্যধর,

বিরাট সত্রাট দেবতুল্য নর,
উন্নতি পতন সবারি হয়।

কোথা আজি সেই অযোধ্যার ধাম,
কোথা পূর্ণব্রহ্ম সীতাপতি রাম,
কোথা আজি সেই পাণ্ডবের সখা,
কোথায় মথুরা কোথায় দ্বারকা।

কে পারে খণ্ডিতে অদৃষ্ট-শৃঙ্খলে,
ঘটেছে আমার যা ছিল কপালে।
কে পারে রাখিতে বিধাতা কাঁদালে,
বৃথা তবে কেন কাঁদিয়া মরি।

এস ভগবান্ কর ধৈর্য্য দান,
কর শান্তিময় অশাস্ত পরাণ।
সৌভাগ্য অভাগ্য ভাবিয়া সমান,
নিজ কর্ম্ম যেন সাধিতে পারি।

সুচির বসন্ত, হাসে না ধরায়,
না চির হেমন্ত ধরণী কাঁপায়,
উত্তপ্ত নিদাঘ প্রাবৃটে জুড়ায়,
অনিত্য সকলি বিধির ইচ্ছায়।

হৃদ্দিনের দিনে যেই বলীয়ান,
সহিতে বিধির কঠোর বিধান,
নমে না টলে না নহে ত্রিয়মাণ,
যে পারে তারি জীবন ধন্য।

এ ভব-সাগরে ক্রব লক্ষ্য ক'রে,
রাখিতে আপনা আর্ষের ঘোরে,
না হারায়ে কূলনা ডুবে পাথারে,
নাহি রে নাহি রে উপায় অন্ত।

হেমচন্দ্র-প্রহ্লাবলী

আমা হতে আরো কত ভাগ্যধর,
হারারে সাম্রাজ্য শৌর্য্য বীর্য্য আর,
পড়িছে ভূতলে অদৃষ্টের কলে,
ধৈর্যে আবার বাঁধিছে হিয়ে ।

কি ছার আমি যে হয়ে ভাগ্যহীন,
কাঁদি এত, ভাবি দেখিয়া ছুঁদিন,
কেন কাঁদি এত কেন বা কাঁদাই,
রাখ নাথ, মোরে ধৈর্য্য দিয়ে ।

আপনারই দোষে আপনি হারাই,
বিধাতারে কেন সে দোষে জড়াই,
এ সাক্ষনা কেন পরাণে না পাই,
নিজ কর্ম্মফল অদৃষ্ট কেবল ।

কত দিন তরে এ জীবন রয়,
সংসারের খেলা; সবই স্বপ্নময়,
বুঝিয়াও মন বুঝে না ত তায়,
কেন সদা ভাবি হইয়া বিকল ।

আমি আমি করি, কে আমি রে ভবে,
কেন অহঙ্কার এত, দৃষ্ট, তবে,
নাম গন্ধ চিহ্ন সকলই ফুরাবে,
ছুঁদিন না যেতে ভুলিবে সবে,

ভুল না ভুল না শেষের সে দিন,
মহানিজ্রাঘোরে ঘুমাবে যে দিন,
আবাস ভাঙার বিভব-বিহীন,
যার ধন তার পড়িয়া রবে ।

দাসে দয়াবান্ হও ভগবান্,
ঘুচাও মনেরঃ্ঘোর অভিমান ।
কর কৃপাময় কৃপাবিন্দু দান,
হৃদয়বেদনা ঘুচায়ে দাও ।

ডাকি হে শ্রীহরি শ্রীচরণে ধরি,
মোহ অন্ধকার দাও দূর করি,
দেহ শাস্তি প্রাণে, এই ভিক্ষা করি,
অভাগার শেষ আশা মিটাও ।

জয় জগদীশ জয় বল রে বদন

জয় জগদীশ জয় বল রে বদন,
বিভুগানে মাতঙ্গারা জগৎ আনন্দে ভরা,
সাজিয়াছে বসুন্ধরা পরিয়া ভূষণ,
জয় জগদীশ জয় বল রে বদন ।

কাননে কুসুম ফুটে, আনন্দে পবন ছুটে,
পরিমল মাখি গায় করয়ে ভ্রমণ,
জয় জগদীশ জয় বল রে বদন ।

বিহঙ্গ প্রফুল্ল প্রাণ, সুখে করে বিভুগান,
সুমধুর কণ্ঠস্বরে পুরিয়া কানন,
জয় জগদীশ জয় বল রে বদন ।

শূন্যেতে সঙ্গীত ঝরে, অমর-কণ্ঠের স্বরে,
বেণু বীণা জিনি রব বাঁজের নিকণ,
জয় জগদীশ জয় বল রে বদন ।

সকল ব্রহ্মাণ্ডময়, জয় বিভু শব্দ হয়,
প্রেমময় বিভুগানে মত্ত ত্রিভুবন,
জয় জগদীশ জয় বল রে বদন ।

হেরে বিশ্বরূপ ধার, ভয়ে কাঁপে চরাচর,
প্রকৃতি প্রণতি করি করয়ে অর্চন,
চমকিত বিশ্ববাসী করে দরশন ।

প্রজ্বলিত অস্তুরীক্ষে, সূমাল্য শোভিছে বক্ষে,
ঢেকেছে বিরাট বপু ব্রহ্মাণ্ড ভূবন ।

জলে চক্ষু জ্বালাময়, যেন শত সূর্য্যোদয়,
 সহস্র সহস্র বক্তৃ প্রবণ নয়ন,
 সহস্র সূ-ভুজ দণ্ড, সহস্র সহস্র মুণ্ড,
 মণ্ডিত কিরীটে শূন্য করে পরশন,
 সহস্র সহস্র গ্রীবা, সহস্র সহস্র জিহ্বা,
 সহস্র সহস্র করে বক্তৃ আকর্ষণ,
 সহস্র সহস্র পদ, যেন কোটি কোকনদ,
 ফুটিয়া ব্রহ্মাণ্ডময় ছড়ায় কিরণ,
 শত সিদ্ধ পদতলে, কত নদ নদী চলে,
 ছুটে সে চরণতলে কোটি প্রস্রবণ,
 হেরে বিশ্ববাসীগণ বিশ্বয়ে মগন,
 জয় জগদীশ জয় বল রে বদন ।

ভুবনমোহন রূপ নেহারি আবার,
 মহানন্দে বসুন্ধরা করয়ে বিহার,
 যখন বসন্ত কালে, নাচিয়া তরঙ্গ চলে,
 ধীর সমীরণে খেলে, তটিনীর পুলিনে ।
 নিদাঘে জোছনা নিশি, হাসিয়া অমিয় হাসি,
 যখন উদয় হয় তারাহার গগনে ।

পুন যবে বরষায়, বেগে স্রোতধারা ধায়,
 কুতূহলা বনস্থলী শিখী নাচে বিপিনে ।
 যখন সুধার আশে, শরৎ-চন্দ্রমা পাশে,
 চকোর চকোরী ভাসে দূর শূন্য গগনে ।
 দেখি বসুমতী হাসে আনন্দিত মনে,
 জয় জগদীশ জয় বল রে বদনে ।

জয় জগতের ভূপ, জয় হে অনাদিরূপ,
 জয় পরমেশ জয়, অচিন্ত্য পুরুষ জয়,
 জয় কৃপাময় জয় জগৎজীবন ।
 ইশ হরি জগদীশ গাও রে বদন,

অনাদি অনন্ত রূপ জয় নারায়ণ,
জয় জগদীশ জয় বল রে বদন ।

বিহর বিহর হরি, জগজন-মনোহরি,
ভুবনমোহন রূপে ভূলাও ভুবন,
জয় জগদীশ জয় বল রে বদন ।

জয় বিশ্বরূপ জয়, অনাদি পুরুষ জয়,
জয় প্রেমময় হরি ব্রহ্মাণ্ডতারণ,
জয় জগদীশ জয় বল রে বদন ।

চরণে করিয়া নতি, বলি হে তার শ্রীপতি,
কর হে জীবের গতি দিয়া শ্রীচরণ,
জয় জগদীশ জয় বল রে বদন ।

কৌমুদী

হাস রে কৌমুদী হাস সুনির্মল গগনে,
এমন মধুর আর নাহি কিছু ভুবনে ।
সুধা পেয়ে সিদ্ধুতলে
দেবতার সুকৌশলে
লুকাইলা চন্দ্র-কোলে—লেখা আছে পুরাণে,
বুঝি কথা মিথ্যা নয়,
নহিলে চন্দ্র-উদয়,
কেন হেন সুধাময় ব্রহ্মাণ্ডের নয়নে ।

আহা, কি শীতল রশ্মি চন্দ্রমার কিরণে,
যেখানে ষখন পড়ে,
প্রাণ বেন নেয় কেড়ে,
ভুলে যাই সমুদয়,
চেতনা নাহিক রয়,
জাগিয়া আছি কি আমি কিম্বা আছি স্বপনে ।

আহা, কি অমির-খনি শরতের গগনে ।

কিবা সন্ধ্যা কিবা নিশি,

যেই হেরি পূর্ণ শশী,

কুখা ভূষণ ভূলে যাই,

শুধু সেই দিকে চাই,

হেরি পূর্ণ সুধাকরে অনিমিষ নয়নে ।

পড়ে কিরণের ঝারা ঢাকি হৃদি বদনে,

যত হেরি সুধাকরে,

হৃদয়ের জ্বালা হরে,

কোথা যেন যাই চলে

স্বপ্নময় ভূমণ্ডলে,

সংসারের সুখ দুঃখ নাহি থাকে স্মরণে ॥

(শ্রীরাধার উক্তি)

নাচ রে ময়ূর নাচ অমনি,

নেচে নেচে তুই আয় রে কাছে,

বড় সাধ মোর দেখিতে ও নাচ,

দেখিলে ও মোর পরাণ বাঁচে ।

আয় নেচে নেচে ছড়িয়ে পেখম,

শশাঙ্কের হাঁদ ছড়ান যায়,

জল-ধনু তনু কিরণের ছটা,

প্রতি চাঁদ হাঁদে প্রকাশ পায় ।

পা ছখানি ফেল তালে তালে তালে,

নীল ঐবাতল সুউচ্চ করি,

নাচিতিস আগে তুই রে যেমন,

নিকুঞ্জ মাঝারে গরবে ভরি ।

তোর নাচে তিনি ছুড়ি দিয়া দিয়া,
নাচাতেন আরো ঠারি আমার,
কভু তোর নাচে উল্লাসে মাতিয়া,
নাচিতেন হেম-নূপুর পায় ।

নাচিতিস যেই শুনিতিস কাণে
ঠাঁহার চরণ-নূপুরধ্বনি,
কিহ্না করতালি অঙ্গুলি-বাদন,
যেখানে সেখানে থাক্ যখনি ।

নিকুঞ্জ ভিতরে কদম্বের ডালে,
কিবা কেলি-শৈলশিখর উপরে,
বিপিনে, কি বনে যমুনাপুলিনে,
সরোবরকূলে কি হৃদতীরে ।

যখন ধরিত মুরলীর তান,
ধাকিত না তোর চেতনা বা জ্ঞান,
শশাঙ্ক-শোভিত কলাপ প্রসারি,
নাচিতিস হয়ে উন্মত্ত-প্রাণ ।

বড়ই সঙ্কম করিতেন তান,
সেই প্রিয়সখা তোয় আমায়,
তোর পাখা লয়ে বাঁধিয়া চূড়ায়,
ধরিলেন কিনা আমার পায় ।

কি যে এ সঙ্কম আদর মনে,
তুই কি বুঝিবি বনের পাখী ।
আমি রে মানবী আমি বুঝি তায়,
এখনো ঠাঁহারে হৃদয়ে দেখি ।

সে পদ সম্পদ সে আদর মান,
কত দিন হ'লো কোথায় গেছে,
তবু রে ময়ূর দেখে নৃত্য তোর,
সকলি আবার প্রাণে জাগিছে ।

হেমচন্দ্র-প্রস্থাবলী

সকল(ই) ত গেছে সব ফুরিয়েছে,
 আর ত কিরে পাব না তার,
 তবুও এখন(ও) স্মৃতিপত সুখ,
 ভেবেও তাপিত হৃদি জুড়ায় ।
 আয় রে ময়ূর নাচিয়া অমনি,
 আয় রে আমার নিকটে আয় ।

খড়োত

কি শোভা ধরেছে তরু খড়োতমালায়,
 শাখা কাণ্ড সমুদয়, হয়েছে আলোকময়,
 কি চারু সুন্দর শোভা জুড়ায় নয়ন ।
 নীল আভা পুচ্ছে ঝরে, শোভিতেছে তরু'পরে,
 লক্ষ আলোকের বিন্দু ফুটিছে যেমন ।
 হেরে মনে হয় হেন, সোণার তরুতে যেন,
 লক্ষ হীরাখণ্ড জ্বলে, জড়িত কাঞ্চন ।
 কখনো বা মনে হয় তরুটি যেমন,
 আলোকে ডুবিয়া আছে, সর্ব্ব অঙ্গে ঝকিতেছে,
 মনোহর নীলকান্তি কাঞ্চন কিরণ ।
 অথবা যেন বা কেহ অসিত বসনে,
 বিন্দু বিন্দু স্বর্ণ ফুলে, চারু কারুকার্য্য তুলে,
 ঢাকিয়া রেখেছে তরু করি আচ্ছাদন ।
 কিন্তু পরদিন প্রাতে উদিলে তপন,
 কাছে গিয়া হের তার, কোথায় কাঞ্চন হায়,
 দারুময় তরু সেই পূর্ব্বের মতন ।
 কোথা বা হীরকমালা নয়নরঞ্জন,
 তরুতলে ডালে গাছে, দেখিবে পড়িয়া আছে,
 কেবল জোনাকী পোকা-পাঁতি অগণন ।

হায় রে কতই হেন বিচিত্রদর্শন,
মানবের সুখকর, নয়ন-মানস-হর,
করেছেন ভগবান্ ভূতলে সৃজন ।

দিবা বিভাবরী যোগে কতই এমন,
শ্রুতি দৃষ্টি মনোলোভা, সৃষ্টি করেছেন শোভা,
মূলহীন সঙ্গহীন স্বপন যেমন ।

আহা বিধাতার এই মায়ার সৃজন,
নহে বঞ্চনার তরে, শুধুই জুড়াতে নরে,
মায়াজালে জড়ালেন নিখিল ভুবন ।

না বুঝে কৃতস্ব নর বিধির মনন,
নিন্দা করে এ কৌশলে, তাঁহারে নিষ্ঠুর বলে,
বলে তিনি জীবগণে করেন বঞ্চন ।

আলোক

আলোক সৃজন হইল যখন,
জগতের প্রাণী উল্লাসিত মন,
অবনী গগন জলধি-জীবনে,
করে বিচরণ পুলকিত মনে,
মহাসুখে হেরে প্রকৃতির মুখ,
হেরে পরম্পরে হইয়া উৎসুক ।
চমকিত চিতে করে দরশন,
লাবণ্য-মণ্ডিত জগত-বদন,
কিরণ-ভূষিত ভূতল আকাশ,
অতুল সুবমা চন্দ্রমা প্রকাশ ।

জগতের জীব আনন্দিত মন,
প্রাপিকঠরবে পূরে ত্রিভুবন,
আলোকে উজ্জল লোক সমুদয়,
জয় জয় শব্দ ত্রিভুবনময় ।

হেমচন্দ্র-গ্রন্থাবলী

জগত হইল আলোকময়,
 ঘুটিল অঁধার জড়তা ভয়
 বিধাতার এই অতুল ভুবন,
 হইল তখন আনন্দকানন,
 তরু লতা তৃণ মৃৎ ধাতু জল,
 নিজ নিজ রঙে সাজিল সকল ।

পতঙ্গ বিহঙ্গ কুরঙ্গ কুঞ্জর,
 কিরণ মাখিয়া অতি মনোহর,
 রঞ্জিল গগন বিবিধ বরণে,
 নানা বনফুল ফুটিল কাননে ।
 আলোকে প্রকাশ হইল তখন,
 সুন্দর স্বর্গীয় মানব-বদন,
 হেরি সে বদন পশু পক্ষী যত,
 নিজ নিজ শির করিল নত ।

কি আশ্চর্য্য বিধি-সৃজনপ্রণালী,
 এক জাতি, কিন্তু বিভিন্ন সকলি ।
 আলোক পাইয়া মানবমণ্ডলী,
 দেখিতে লাগিলা হয়ে কুতূহলী,
 নব সৃষ্টিশোভা সৃজনকৌশল,
 বিধিনিয়মিত শৃঙ্খলা সকল,
 দিবস রজনী চন্দ্র সূর্য্য গতি,
 ষড়ঋতু ধারা নিয়ম পদ্ধতি ;
 হেরি সৃষ্টিলালা স্তম্ভিত হইয়া,
 রোমাঞ্চিত কায় বিশ্বয় মানিয়া ।

আলোক-মাহাত্ম্য কেবা নাহি জানে,
 যে দেখেছে কতু নিশা অবসানে,
 প্রাতঃসূর্য্যোদয়, কিম্বা সন্ধ্যাকালে,
 পূর্ণ ষোলকলা শশাঙ্কমণ্ডলে ;

যে দেখেছে কভু সরস বসন্তে,
 চারু ফুলদল নব নব বৃন্তে,
 প্রস্ফুট কমল সরসীর কোলে,
 হাসিমুখে সুখে ধীরে ধীরে খোলে ;
 নানা বর্ণরঞ্জিত সূচিত্রিত কায় ;
 বিহঙ্গ সকল কিরণে খেলায়,
 দেখেছে কখন(ও) অসূর্য্য গগনে,
 আলোক-মাহাত্ম্য সেই সে জানে ।

আলোক-মাহাত্ম্য জানিয়াছে সেই,
 চরাচরময় দেখিয়াছে যেই,
 লতা পাতা তরু নির্ঝরের গায়,
 আলোকের গুণে স্বতঃ ব্যক্ত হয়
 বিধিহস্তলিপি ; কোথা তার কাছে
 গীতা-উপদেশ ! জগতে কি আছে
 অমূল্য পদার্থ হেন কিছু আর,
 আলোকের সহ তুলনা যাহার ।

ফুল

দেখ কি সুন্দর ঐ ফুলটি বাগানে,
 ফুটিয়া উঠান আলো করে আছে
 লাল রঙে মরি ! কি শোভা উহার,
 অরণের প্রভা অঙ্গে মাখিয়াছে ।

এ সৌন্দর্য্য আর ক'দিন থাকিবে
 জুড়াবে এরূপে নয়ন মন ?
 কাল না ফুরাতে পরশু হেলিবে
 বোঁটাটি উহার, ফুরাবে যৌবন ।

হবে নতশির, ঝুলিয়া পড়িবে,
 এ শোভা তখন থাকিবে না আর,

হেমচন্দ্র-ঐহাবলী

ক্রমে পত্রচয় শুকায়ে আসিবে,
ভূতলে পড়িবে ক'রে বর্ বর্ ।

মানুষের(ও) দেহ-সৌন্দর্য্য এমনি,
দিন কয় মাত্র তরুণ তরুণী,
যৌবনের কাল ফুরায় যখন,
সে শোভা সৌন্দর্য্য শুকায় অমনি ।

দেখিলে তখন শ্লথ শুক কায়,
সে যুবা যুবতী চেনা নাহি যায়,
বার্দ্ধক্য যখন পরশে তাদের,
দেখিলে তখন হৃদি ব্যথা পায় ।

জগতের অঙ্গে নিয়ত নিরখি,
পূর্ণ শোভা আজ প্রকাশিয়া আছে,
কাল আর তার চিহ্ন মাত্র নাই,
ভেঙ্গে চূরে যেন কোথায় গিয়াছে ।

কেন ভগবান্ হেন নিষ্ঠুরতা,
জগতের প্রতি এত কি বাম,
না থাকিতে দাও কিছুকাল তরে,
যা দেখে পরাণে এতই আরাম,

বিধি, কি হে তুমি মনে ভাব লাজ,
নিজ নিপুণতা দেখাইতে ভবে,
কিবা জীবনুখে এত হিংসা তব,
না ভুঞ্জিতে দাও তব বিভবে ।

এত কি হে সুখ দিয়াছ জগতে,
এ সুখের আর প্রয়োজন নাই,
দোহাই তোমার, তুমি জান ভাল,
এ তব তোমার কি সুখের ঠাই ।

সমিৎ সময়

তর্ তর্ ক'রে চলেছে সলিল,
শিলা তরুণ করিয়া শিথিল ।
ধীরে ধীরে মাটি ফেটে ছড়ে ছড়ে,
কূলে কূলে জলে ধস্ ভেঙে পড়ে ।
লতা পাতা বেত শ্রোতবেগে কাঁপে,
তরু লতা ঝোপ তীর ছাপি কাঁপে ।
ঝির্ ঝির্ ক'রে মাটি ঝরে পাড়ে,
তরু লতা শ্রোতে সমূলে উখাড়ে ।
সর্ সর্ বালি জলতলে সরে,
বাধা পেয়ে শেষে স্বীপরূপ ধরে ।
আম, জাম, শাল, জারুল, তিস্তিড়ী,
তীরে ছায়া করি চলেছে ছধারী ।
ফুলতরুদল ছ'কূলে সুন্দর,
ফুলগন্ধে বায়ু করে ভর ভর ।
জলচর পাখী তীর ছাড়ি ছুটে,
মীন মুখে করি পাখা ঝাড়ি উঠে ।
চলে শ্রোতধারা ভাঙে গড়ে কত,
আপনার বলে খুলে লয় পথ ।
বাঁধ বাধা বাঁক কিছু নাহি মানে,
দিবা নিশি চলে আপনার মনে ।
উজির আমির কাঙ্ক্ষাল না গণে,
চলে দিবা নিশি আপনার মনে ।

তর্ তর্ ক'রে চলেছে সময়,
পল অল্পপল কার(ও) লক্ষ্য নয় ।
গতিচিহ্ন খালি ধরা-অঙ্কে লেখা,
কালের প্রবাহ তাই যায় দেখা ।

কত ভাঙে গড়ে শ্রোতধারা তার,
 ভূমণ্ডলময় সংখ্যা করা ভার ।
 নব কিসলয় সম শিশুগণ,
 প্রফুল্ল কুসুম সম যুবা জন,
 কাল নদীকূলে তরু লতা মত,
 বাড়ে দিনে দিনে শোভা ধরি কত
 তরুণ যৌবন পূর্ণ হলে পরে,
 সারাল স্ঠাম প্রৌঢ়কাস্তি ধরে ।
 বার্কিক্য জরায় শুকায় যখন,
 কালগর্ভে প'ড়ে হয় অদর্শন ।
 অবিচ্ছেদগতি বহে কালশ্রোত,
 ধরা-অঙ্গে কত করি ওতপ্রোত ।
 রেণু রেণু করি পর্বতের চূড়া,
 কালে ভগ্ন হয়ে হয়ে যায় গুঁড়া ।
 বালুকার স্তূপ বেড়ে বেড়ে কালে,
 পর্বত আকারে ঠেকে শূন্যভালে ।
 আজ মরুভূমি, কাল জলে ঢাকা,
 বিপুল তরঙ্গ চলে আঁকা বাঁকা ।
 আজ রাজ্যপাট অট্টালিকাময়,
 কাল মহাবন স্থাপদ-আশ্রয় ।
 কালশ্রোত ধারে নর ক্রৌঞ্চ কত,
 নীরে লক্ষ্য করি ভ্রমে অবিরত ;
 অবসর বুঝে শ্রোতে মগ্ন হয়,
 ভক্ষ্য মুখে করি বৃক্ষে উড়ে যায় ।
 পক্ষ বাপটিয়া পূর্ববেশ ধরে,
 উচ্চ ডালে বসি ভক্ষ্য জীর্ণ করে ।
 চলে কালশ্রোত নাহি দয়া মায়া,
 চলে মুখে নিয়া শিশু বৃদ্ধ কায়া ।
 রাজা হুঃখী ধনী প্রভেদ না গণে,
 চলে অবিরত আপনার মনে ।

তর্ তর্ করি কালস্রোত যায়,
সরিং সময়, ছই তুল্য প্রায় ।

কল্পনা

কি দেখিছু আহা আহা,
আর কি দেখিব তাহা,
অপূর্ব সুন্দরী এক শূণ্য আলো করি,
চাঁদের মণ্ডল হাতে,
উঠিছে আকাশপথে,
অসীম মাধুরী অঙ্গে পড়িতেছে ঝরি ।

ভাবভরা মুখখানি,
আহা মরি কি চাহনি,
কটাক্ষে ভুলায় নর অমর ঋষিরে ।

কি ললাট কিবা নাসা,
মনভাষা পরকাশা,
ওষ্ঠাধরে হাসিরেখা নৃত্য করি ফিরে,

বিচিত্র বসন গায়,
ইন্দ্রধনু শোভা পায়,
বিবিধ বরণে ফুটে কিরণে খেলায় ।

যেখানে উদয় হয়,
সুগন্ধি মলয় বয়,
অঙ্গের সৌরভে দিক্ আমোদে পুরায়,

কখন শিখর-শিরে,
বসিয়া নির্ঝরতীরে,
মিশায়ে বীণার স্বরে গানে মত্ত হয় ।

হেমচন্দ্র-প্রহ্লাদলী

কভু কোন(ও) কুঞ্জবনে,
 প্রবেশি প্রমত্ত মনে,
 নৃত্য করে নিজ মনে অধীরা হইয়া ।

কখন(ও) তটিনীনীরে,
 ধৌত করি কলেবরে,
 তরঙ্গে মিশিয়া ফিরে সঙ্গীত ধরিয়া ।

কভু মরুভূমি গায়,
 ফুলোচ্ছান রচি তায়,
 গুনিয়া পাখীর গান করয়ে ভ্রমণ ।

কভু কি ভাবিয়া মনে,
 একাকী প্রবেশি বনে,
 হাসে কাঁদে নিজ মনে উন্মাদ যেমন ।

কখন(ও) মন্দিরে ধায়,
 পূজা করে দেবতায়,
 জগৎমাতানো গীত প্রেমানন্দে গায় ।

কখন(ও) নন্দন-বনে,
 অঙ্গরী অমরী সনে,
 খেলা করি কত রঙ্গে তাদের ভূলায় ।

কখন(ও) অদৃশ্য হয়ে,
 ছায়াপথে লুকাইয়ে,
 দেখায় কতই ছলা কত রূপ ধরি ।

সদাই আনন্দ মন,
 সর্বত্র করে গমন,
 বেড়ায় ব্রহ্মাণ্ডময় প্রাণি-ছুঃখ হরি ।

স্বর্গ মর্ত্য রসাতল,
 সব(ই) তার লীলাস্থল,
 কোথাও গমন তার নিষেধ না মানে,

তিন লোকে আসে যায়,
সর্বত্র আদর পায়,
সে মনোমোহিনী মূর্তি সকলেই জানে ।

কভু ছায়াগথ ছাড়ি,
আর(ও) শূণ্ণে দিয়া পাড়ি,
দেখায় অপূর্ব কত ত্রিলোক মোহিনী,
উঠিতে উঠিতে বালা,
দেখাইছে কত ছন্দা,
কত রূপে কত মতে নাচিয়া গাইয়া ।

নিখিল ব্রহ্মাণ্ড প্রাণী,
হেরিয়া আশ্চর্য্য মানি,
বিফারিত নেত্রে সবে বামা পানে চায়

ধরা উলটিয়া ফেলে,
স্বর্গ আনে ধরাতলে,
অমরাবতীর শোভা ধরাতে দেখায় ।

চলে রামা বায়ুপথে,
পুরাইয়া মনোরথে,
যখনি যেখানে সাধ সেখানে উদয় ।

কখন(ও) পাতালপুরি,
আলোকে উজ্জ্বল করি,
ঘোর অন্ধকার হরি করে সূর্য্যোদয়,

মরুতে উদ্যান রচে,
ম'রে প্রাণী পুনঃ বাঁচে,
উত্তপ্ত কিরণ চাঁদে, ভাষু স্নিগ্ধকায় ।

চপলা চাপিয়া রাখে,
ব্রহ্মাণ্ড ভ্রমে পলকে,
অপকল্প কত হেন ভুবনে দেখায় ।

কতই বিশ্বয়কর
 কার্য হেন হেরি তার,
 সূচত্বর বাজীকর জাতুর সমান ।

হেলায় পুরায় সাধ,
 সাগরে বাঁধিয়া বাঁধ,
 অগাধ জলধিজলে ভাসায় পাষণ ।

পশু পক্ষী কথা কয়,
 “বানরে সঙ্গীত গায়,”
 গিরি-অঙ্গে পাখা দিয়া আকাশে উড়ায়

কখন(ও) নাবিকদলে
 ছলিবারে কুতূহলে,
 অতল সাগরজলে কমল ফুটায় ।

ক্ষণ নিমেষের মাঝে,
 মহানগরীর সাজে,
 সাজায় কখনো বন গহন কাননে ।

কখন(ও) বা মহারাজে,
 ভাঙ্গিয়া ধরণী-অঙ্গে,
 সৌধমালা অট্টালিকা, মথয়ে চরণে ।

কভু মহাশূন্য পারে,
 সৌর জগতের ধারে,
 দেখায় নূতন সূর্য্য নূতন আকাশ ;

নবীন মেঘের মালা,
 নবীন বিজুলী-খেলা,
 নব কলাধর-শশি-কিরণ প্রকাশ ।

স্বর্গ শূন্য ধরা'পর,
 কত হেন কল্পনার,
 অলোকসামাগ্র কাণ্ড দেখিতে দেখিতে,

বিচরি ব্রহ্মাণ্ডময়,
হর্ষ-পুলকিত কায়,
হেরি কত অস্তোদয় হয় ধরণীতে ।

ভাবি কত দূর যাই,
যেন তার অস্ত নাই,
শেষে না দেখিতে পাই কোথা যাই চলে ;

সুদূর গগনগায়,
শেষে মিলাইয়া যায়,
চপলা চমকে যেন মেঘের মণ্ডলে ।

সহসা চৌদিকে চাই,
তখন দেখিতে পাই,
সেই আমি সেই ধরা সেই তরু জল,

যাই নি, নিমেষ পল,
ছাড়িয়া এ ধরাতল,
তবুও ভ্রমিষু স্বর্গ মর্ত্য রসাতল ।

এ হেন প্রভাব যার,
প্রসাদ লভিলে তার,
কি ছুঃখ এ জগতের ভুলিতে না পারি ।

প্রতি দিন কল্পনারে,
পাই যদি পূজিবারে,
নিরানন্দ মাতৃভূমি চিরানন্দ করি ।

এ চির মনের সাধ
মিটিল না, অপরাধ
লয়ো না ছুঃখিনী মা গো, দৈব প্রতিকূল,

কমলা ঠেলিলা পায়,
রোষ কৈলা সারদায়,
শুক আশা-তরু মম বিনা ফল ফুল ।

প্রজ্ঞাপতি

কে জানে মহিমাময় ! মহিমা তোমার,
সামান্য পতঙ্গ এই,
ইহার তুলনা নেই,
কি চিত্র বিচিত্র করা অজ্ঞেতে ইহার ।

কিসে ফলাইয়ে রং করেছ এমন !
কে জানে জগৎ-মাঝে,
কে পারে তুলির ভাঁজে,
তুলিতে এমন চিত্র, সুন্দর চিকণ ।

খেলায়ে রঙের ঢেউ কি রেখাই টেনেছ,
ভিতরে ভিতরে তার,
বিন্দু বিন্দু চমৎকার,
কিবা ছিটা ফোঁটা দিয়ে সাজায়ে রেখেছ

লতায় বসিয়া পাখা ছলায় যখন,
কিরণ পড়িলে তায়,
কার চক্ষু না জুড়ায়,
এ মহীমগুল মাঝে কে আছে এমন !

কি এ শোভা আকর্ষণ বলিতে না পারি,
ভুলায় শিশুর(ও) মন,
কত আশা আকিঞ্চন,
কতই আনন্দে ছোটে ধরি ধরি করি ।

ধরিতে না পারে যদি কি হতাশে চায়,
ধরিতে পারিলে সুখ,
ভুলে সর্ব্ব শ্রম হুখ,
সুখেতে কি হাসিছটা, পুলকিত কার ।

দেবশিল্পকর-কীর্তি-বাথানে সবাই,
 বল ত বিশাই গুনি,
 কি কার্য তোমার গুণি,
 এর সঙ্গে তুলা দিতে কোথা গেলে পাই ।
 সামান্য পতঙ্গে এই শোভা কারিগুরি,
 ক্রমশ উন্নত স্তর,
 আরো কত শোভাধর,
 কি আশ্চর্য্য বিধাতার নৈপুণ্য চাতুরী ।
 এত দস্ত কর নর আপন কৌশলে ।
 ব্রহ্মাণ্ডের প্রতি গাত্রে,
 প্রতি রেখা প্রতি ছত্রে,
 দেখ শোভা, দেখ বিশ্ব কি কৌশলে চলে ।
 কিছুই না পাই ভেবে আদি অস্ত সীমা,
 সকলি আশ্চর্য্য তব,
 অদ্ভুত তোমার ভব,
 কে জানে মহিমাময় তোমার মহিমা ।

জন্মভূমি

এই ত আমার, জগতের সার,
 স্মৃতিসুখকর জনম-ঠাই ।
 যেখানে আছ্লাদে, নবীন আশ্বাদে,
 শৈশব-জীবন সুখে কাটাই ॥
 যে সুখের দিন আজ(ও) পড়ে মনে,
 ভুলিব না যাহা কভু এ জীবনে,
 যেখানেই থাকি যেথাই যাই ;
 হেরেছি কতই নগরী নগর,
 কত রাজধানী অপূর্ব সুন্দর,
 এ শোভা ঐশ্বর্য্য কোথাই নাই :

হেমচন্দ্র-এছাবলী

গৃহ ঘাট মাঠ তরু জলাশয়,
 স্মৃতি-পরিমল-মাখা সমুদয়,
 হেন স্থান আর কোথায় আছে,
 জগতে জননী জনম-ভুবন,
 গুরুত্ব-গৌরবে হুই অতুলন,
 স্বরগ(ও) নিকৃষ্ট হুয়ের(ই) কাছে ।

এই সে মণ্ডপ পবিত্র আলয়
 (দশভূজাপূজা কত সেথা হয়)
 গীতবাদ্যশালা সম্মুখে তার ।
 সেই আটচালা নীচেই অঙ্গন,
 ইষ্টক মৃত্তিকা প্রাচীরে বেষ্টন,
 বোধনের বিশ্ব পারশে যার ।

হেরে হেন সব চারিদিক্‌ময়,
 প্রাণভরা সুখে ভরিল হৃদয়,
 আবার যেন বা আসিল ফিরে
 শৈশব কৈশোর সুখের যৌবন,
 বাল্য-সখা-সখী, বৃদ্ধ গুরু জন,
 আবার যেমন চৌদিকে ঘিরে ।

কত পুরাতন কথোপকথন,
 হাস্য পরিহাস সঙ্গীত বাদন,
 মানসের চক্রে দেখিতে পাই,
 পুনঃ যেন খেলি সঙ্গিগণে মেলি,
 মাঠে ঘাটে ছুটি করি জলকেলি,
 কালাকাল তার বিচার নাই ।

কখন(ও) যেন বা ক্রুধা-তৃষাতুর,
 আতপ-উত্তপ্ত ফিরি নিজ পুর,
 জননী নিকটে ছুটিয়া যাই,

কখন(ও) যেন বা মার কোলে শুয়ে,
জড়সড় হয়ে আঁধারের ভয়ে,
আঁচলে ঢাকিয়া মুখ লুকাই।

কত দিন(ই) হায় সে মায়ের মুখ,
হেরি নাই চখে—দিয়া চির ছুখ,
কাল দেছে মুছে সে আনন্দছবি।
কত সুখকথা হইল স্মরণ,
আনন্দময়ীর হেরে সে বদন,
অন্ধকারে যেন উদিল রবি।

কতই এ হেন স্মৃতির লহরি,
উঠিতে লাগিল প্রাণ মন ভরি,
ভূতল আকাশ যে দিকে হেরি,
পুনঃ এল সেই নবীন যৌবন,
পুনঃ সে ছুটিল মলয় পবন,
কামিনী কুসুমে পুনঃ শিহরি।

ইন্দ্রিয় উত্তাপ উন্নতির আশা,
ধন যশ লোভ বিজয় পিপাসা,
আবার যেমন প্রাণে জড়াই,
যাহার আদরে বাল্য সুখে যায়,
যৌবন আরম্ভে হারায় যাহায়,
কবিতা স্মৃতির আশ্বাদ পাই।

কতই আগের সুখ ভালবাসা,
কতই আকাঙ্ক্ষা কতরূপ আশা,
ফুটে উঠে প্রাণে যে দিকে চাই।
কখন(ও) একত্রে কভু একে একে,
অনিমেষ চক্ষু আনন্দ পুলকে,
হৃদয়-মুকুরে হেরি সদাই।

হেমচন্দ্র-প্রবাসী

আগেকারি মত যেন হেরি সব,
 আগেকারি মত পশু-পক্ষী-রব,
 আগেকারি মত করি শ্রবণ ।
 জুড়াতে পরাণ ইহার সমান,
 নাহি কিছু আর, নাহি কোন(ও) স্থান,
 চির তৃপ্তিকর মধুর এমন ।

মহাহিমময় হয় যদি স্থান,
 দারুণ উত্তাপে জ্বলে যায় প্রাণ,
 তবুও সে দেশ স্বদেশ যার,
 তাহার নয়নে তেমন সুন্দর,
 মনোহর স্থান পৃথিবী সাগর,
 নাহিক ভূতলে কোথাও আর ।

কে আছে এমন মানব-সমাজে,
 হৃদিতন্ত্রী যার আনন্দে না বাজে,
 বহু দিন পরে হেরি স্বদেশ ।
 না বলে উল্লাসে প্রফুল্ল অন্তরে,
 প্রেম ভক্তি মোহ অমুরাগ ভরে,
 এই জন্মভূমি আমার দেশ ।

তুমি বঙ্গমাতা এত হীনপ্রাণা,
 এত যে মলিনা এত দীন হীনা,
 তোমার(ও) সম্মান স্বদেশে ফিরে,
 হেরে তব মুখ মনে ভাবে সুখ,
 প্রাণের আবেগে হইয়া সোৎসুক,
 নিজ জন্মদেশ আনন্দে হেরে ।

হে জগৎপতি, এ-দাস-মিনতি,
 রেখো এই দয়া বঙ্গমাতা প্রতি,
 বঙ্গবাসী যেন কখন(ও) কেহ,

যেখানেই থাক্ যেখানেই যাক,
যতই সম্মান যেখানেই পাক,
না ভুলে স্বদেশ ভকতি স্নেহ ।

কি সুখের দিন

কি সুখের দিন মনে পড়ে আজ,
আনন্দ নির্ঝরি হৃদয়ে বয়,
হ'ল বহু দিন আজ(ও) ভুলি নাই,
এখন(ও) সে দৃশ্য তেমনি রয় ।

শৈশব-সময় বর্ষ বার তের,
বয়ঃক্রম বুঝি হইবে তখন,
জন্মিয়া অবধি এক দিন তরে,
জানি না কখন ছুঃখ কেমন ।

তখন(ও) পূজাই মাতামহ মম,
সুমেরুর মত উন্নত শরীর,
মাতা পিতা আদি বহু সর্ব জন,
সে গিরি-আশ্রয়ে আছেন স্থির ।

সুখে হাসি খেলি সুখে আসি যাই,
সুখেতে ভাসিয়া করি ভ্রমণ,
সুখপূর্ণ ধরা শূন্য সুখে ভরা,
সুখের(ই) প্রবাহ ভাবি জীবন ।

আদরে লালিত আদরে পালিত,
মাতাম'র আর ছিল না কেহ,
অগত্যা তাঁহার আমাদের(ই) প্রতি,
ছিল আশৈশব অধিক স্নেহ ।

আশায় নির্ভর করিয়া আহ্লাদে,
জানাইলে তাঁর মনের সাধ,

হেমচন্দ্র-গ্রন্থাবলী

কখন(ও) অপূর্ণ থাকিত না তাহা,
পুরাতেন তিনি করি আছাদ ।

বৎসরে বৎসরে শারদীয়া পূজা,
হইত আনন্দে আনন্দ সহ,
কতই আনন্দ পেয়েছি তখন,
মাসাবধি ধরি করি উৎসাহ ।

আসিত প্রত্যহ প্রতিমা দেখিতে,
কত হৃৎখী প্রাণী প্রফুল্ল মুখে,
নব বস্ত্রে সবে নিজে নিজে সাজি,
সাজায়ে বালিকা বালকে সুখে ।

সে আনন্দ ছবি তাহাদের মুখে,
হেরি কত বার সংশয়ে ভাবি,
কার বেশি শোভা প্রতিমার কিবা
তাদের প্রফুল্ল মুখের ছবি ।

আসে যায় হেন কতই দর্শক,
গ্রাম-পল্লীবাসী কতই আসে
ভিক্ষুক যাচক গীত-বাণকর,
অতিথি অভ্যাগত কত কি আশে

ক্রমে গৃহাগত আত্মীয় স্বজন,
কলরবপূর্ণ সদা আনন্দ,
প্রিয় সম্ভাষণ, মধুর আলাপ,
গৃহের সর্বত্র ধ্বনিত হয় ।

সদা স্ফুটমতি কুটুম্ব জেয়াতি,
আমোদে প্রমোদে রত সদাই,
সর্ব পরিজন আনন্দে মগন,
নিরানন্দ ভাব কাহার(ও) নাই ।

সে আনন্দ মাঝে আমি শিশুমতি,
সদা হেসে খেলে সুখে বেড়াই,
ধনী কি দরিদ্র প্রতিবেশী-ঘরে,
আমার প্রবেশ-নিষেধ নাই ।

সে কালের প্রথা রামায়ণ গান
অপরাহুে শুনি মোহিত হয়ে,
সমুদ্র লঙ্ঘন পুষ্পকে গমন,
শুনি স্তব্ধ হয়ে বিশ্বয়ে ভয়ে ।

নিশিতে আবার শুনি যাত্রা গান,
সমস্ত রজনী জাগিয়া থাকি,
শুনি সে আখ্যান না ভুলি কখন,
হৃদয়ফলকে লিখিয়া রাখি ।

ষাট বর্ষ আয়ু ফুরাইতে যায়,
সে সুখের দিন কবে গিয়াছে,
আজ ত সে দিন ভুলে নি হৃদয়,
সে সুখের স্বাদ আজ ত আছে ।

জননীর স্তনক্ষীরের আশ্বাদ,
একবার জিহ্বা জুড়ায় যার,
যে জেনেছে বালাক্রীড়ার আহ্লাদ,
জগতে কিছু কি চায় সে আর ।

ধনবান্

ধনবান্ জনবান্ ধরণীর ফুল,
বিনা ধনী কে অবনী সাজাত এমন,
কে পরাত ধরা-অঙ্গে এত আভরণ,
প্রাসাদ মন্দিরমালা স্বরগে অতুল ।

কাশ্মীর ভূধর-শিরে বক্সরোবর,
 অছোদ যাহার নাম কাদম্বরীপ্রিয়,
 কে সেখানে বিরচিত ক্রীড়াবন; স্বীয়,
 ধনী যদি না থাকিত পৃথিবী ভিতর ।

তাজ অট্টালিকা চখে কে দেখিত আজ,
 যার শোভা দেখিবারে ধরাপ্রাস্ত হ'তে,
 প্রতি দিন কত লোক আসে এ ভারতে,
 অমূল্য প্রাসাদরত্ন অবনীর মাঝ ।

বিনা ধনী সুখকর শিল্পের প্রবাহ,
 থাকিত না ধরাতলে বিদ্যার আহ্লাদ,
 জানিত না নরচিত সাহিত্য-আশ্বাদ,
 কি আনন্দকর চিন্তা সুখে অবগাহ ।

উজ্জল ধরণী-অঙ্গ ধনীর উদয়ে,
 রবিছটা সম ছটা তাদের প্রকাশে,
 এক জন ধনী যদি হয় কোন(ও) দেশে,
 চিরদীপ্ত সে অঞ্চল তার দীপ্তি লয়ে ।

কোন(ও) কালে ছিল আগে ভারত-মণ্ডলে,
 ভবানী অহল্যাবাই মহিলা হুজন,
 আজ(ও) দেখ তাহাদের নামের কিরণ,
 জাগায়ে স্বদেশখ্যাতি জগতে উজ্জলে ।

কত হেন লব নাম প্রতি দেশে দেশে,
 ধনবতী ধনবান্ স্বদেশ-কল্যাণ
 সাধন করিয়া নিত্য লভিয়া সম্মান,
 স্বনাম স্বদেশ পূর্ণ করিছে সুযশে ।

সাধিতে জগতহিত ধনীর সৃজন,
 বিধাতা তাদের হস্তে দিয়াছেন ধন,
 জগতের সুমঙ্গল করিয়া মনন,
 এ কথা যে বুঝে মর্ত্যে দেবতা সে জন ।

নিত্যস্মরণীয় সেই মহাত্মা ভূতলে,
কত দুঃখী প্রাণী জ্বালা করে নিবারণ,
জগতের কত হিত করে সে সাধন,
সে কথা ভাবিলে প্রাণ আপনি উথলে ।

পরের হিতার্থ ধন না বুঝে যে ধনী,
নিজ স্বার্থ চরিতার্থ সদা বাঞ্ছা করে,
পরহিত ভাবে না যে মুহূর্তের তরে,
সে জন ছুরায়া অতি জগতের গ্লানি ।

বিধাতার বরপুত্র ধনী এ ধরাতে,
দেবতা হইতে পারে ইচ্ছা যদি করে,
ইচ্ছা ক'রে যেতে পারে নরক ভিতরে,
স্বর্গ-নরকের দ্বার তাহাদের হাতে ।

মহীতে মহীপবন্দ ধনীর প্রধান,
দৈব ঘটনায় আজ মহীপতি তারা,
আবার চক্রের গতি হলে অন্ত ধারা,
পশিয়া ধনিমণ্ডলে হবে শোভমান ।

ধনীরাই সংসারের সুখদুঃখমূল,
যে ধনী না বুঝে ঠহা ভ্রান্ত পথে যায়,
ধরার কণ্টক সেই, যে বুঝে ইহায়,
ফুটে রয় ভবময় শোভায় অতুল ।—
ধনবান্ জনবান্ ধরণীর ফুল ।

ভালবাসা

ভালবাসাবাসি এত পৃথিবী ভিতরে,
সে তৃষ্ণা মিটে না কেন আমার অন্তরে ।
বাল্য হ'তে নিরন্তর খুঁজিয়া বেড়াই,
প্রাণ জুড়াবার সখা তবু নাহি পাই ।

কারে ভালবাসা বল, কিবা তার ধারা,
কি পেয়ে প্রাণের তৃষা মিটাও তোমরা,
পিতা ভালবাসে কন্যা পুত্র আপনার,
স্বামী ভালবাসে ভার্য্যা প্রিয়তমা তার ।

ভাই ভালবাসে ভা(ই)রে সোদরা সোদর,
প্রতিপালকেরে ভালবাসে পোষ্য তার,
আশ্রিতে আশ্রয়দাতা ভাবে আপনার,
প্রণয়িনী প্রণয়ীর হৃদয়ের হার ।

এ যে ভালবাসাভরা দেখি এ সংসার,
ভালবাসা নয় ইহা স্বার্থের বিকার,
স্নেহ দয়া মায়া আর যাহা কিছু বল,
ভালবাসা কিন্তু তবু নহে এ সকল ।

প্রাণে প্রাণে বিনিময় ভালবাসা সেই,
সে ভালবাসা ত হেথা দেখিবারে নেই,
কত জনে হাতে তুলে দিয়াছি তাহায়,
সে ত নাহি প্রাণ তার দিয়াছে আমায় ।

আমি চাই এক জীউ এক তৃষা মন,
এক চিন্তা এক দৃষ্টি একই শ্রবণ,
এক রাগ অনুরাগ একই মনন,
হুই হুই ঘুচে গিয়ে একত্র মিলন ।

অনন্ত মনের গতি,
অনন্ত কল্পনা স্মৃতি,
অনন্ত আকাঙ্ক্ষা আশা,
অনন্ত প্রাণের তৃষা,
এক জ্ঞান এক ধ্যান একই স্বপন,
তার(ই) নাম ভালবাসা হুজনে মিলন ;

হেমচন্দ্র-গ্রন্থাবলী

আজ নয় নহে কাল, এই ভাব চিরকাল,
কেন মন হেন তিস্ত হয় ।

কিছুই না ধরে মনে, অসাধ সদাই প্রাণে,
কিছুতেই সাধ নাহি রয় ॥

আমোদ প্রমোদে হাসি, সব(ই) যেন যায় ভাসি,
কিছুতেই মন নাহি বসে ॥

নিকটে প্রাণের গিতা, শুনায় রসের গীতা,
তাহাতেও চিন্ত নাহি রসে ।

সুত সুতা স্নেহভরে, চিবুক তুলিয়া ধরে,
কণ্ঠ ধরি কোলে বসি হাসে ।

তাতেও চেতনা নাই, সে দিকে ফিরে না চাই,
যেন কোন অমঙ্গল-ত্রাসে ॥

এ অতৃপ্তি কেন সদা, ধন যশ কি প্রেমদা,
কিছুই সন্তোষকর নহে ।

নাহিক আকাঙ্ক্ষা আশা, নাহিক কোন(ও) লালসা,
প্রাণ যেন সদা শূন্য রহে ॥

মুখে ব্যঙ্গ পরিহাস, হৃদে খেদ বার মাস,
ফল্গু সম লুকাইয়া চলে ।

বাহিরে আলোক পূর্ণ, হৃদয়ে অঙ্গারচূর্ণ,
প্রাণে সদা বহ্নিশিখা জ্বলে ॥

কেন হেন তিস্ত প্রাণ, দিলে মোরে ভগবান্,
এত সুখ জগতে তোমার ।

নাহি কি কিছুই তায়, মম সাধ মিটে যায়,
কোন(ও) হেন সুন্দর সুতার ॥

ফুলতরু কত জাতি, কত বর্ণ কত ভাতি,
আছে এই জগতমণ্ডলে ।

ধরা শূন্য শোভাকর, কত পশু পক্ষী নর,
শৈবাল যুগল মীন জলে ॥

আকাশে চাঁদের শোভা, জগতের মনোলোভা,
মনোহর তারকা বলকে ।

যেটি মনে ধরে যার, সেটি আদরের তার,
 চিরকাল এই ধারা লোকে ॥
 উত্তানে কাহার(ও) সাধ, কুস্মমে কার(ও) আহ্লাদ,
 কার(ও) সাধ প্রাসাদ ভবনে ।
 কেহ বা পাখীর গান, শুনিয়া জুড়ায় প্রাণ,
 কেহ মুগ্ধ সঙ্গীত-শ্রবণে ॥
 কেহ ভুলে চিত্রপটে, কেহ বা কবিতা-পাঠে,
 কার(ও) মন সৌন্দর্যে মগন ।
 কেহ সুখী ধনার্জনে, কেহ সুখী ধন-দানে,
 কার(ও) সাধ সমৃদ্ধি-সাধন ॥
 কেহ রত বিজ্ঞাভ্যাসে, কেহ বা বেশ-বিজ্ঞাসে,
 বিলাস বাসনা করে কেহ ।
 ভোগ সুখ কেহ চায়, কেহ অনাদরে তায়,
 বনে যায় তেয়াগিয়া গেহ ॥
 হেন রূপে সর্ব জন, কোন না কোন বন্ধন,
 হৃদয়ে বেঁধেছে সুখ আশে ।
 পূর্ণ করি সেই আশা, জুড়ায় হৃদি-পিপাসা,
 অকূল সাগরে নাহি ভাসে ॥
 আমারি হৃদি কেবল, মায়াশূন্য মরুস্থল,
 কোন(ও) বাসনায় বন্ধ নয় ।
 এত শোভা ধরণীতে, কিছুই না ধরে চিত্তে,
 শূন্য প্রাণে দেখি সমুদয় ॥
 কি হেতু হে ভগবান্, দিয়াছ এমন প্রাণ,
 সুখের সাগরে সবে মজে ।
 স্থলে জলে ভ্রমণে, সুখের লহরী চলে,
 কিসে সুখ আমি মরি খুঁজে ॥
 সহেছি অনেক দিন, সব আর কত দিন,
 দিনে দিনে ডুবি হে পাথারে ।
 সম্বরে এ প্রাণ হরি, এ হৃৎঘূচাও হরি,
 এ যাতনা দিও না'ক কারে ॥

মৃত্যু

কে আসিছে অই আঁধারবরণ,
লৌহদণ্ড করে করিয়া ধারণ !
জ্বলন্ত বিছ্যাৎ নয়নের ছটা,
দেহের বরণ ঘোর ঘনঘটা,
চুপে চুপে আসি, ছায়ার মতন,
মুর্মূর্ষু প্রাণীরে করে নিরীক্ষণ ।

মৃত্যুশয্যাশায়ী-শিয়রে দাঁড়ায়ে,
নিজ দণ্ড তার শরীরে ঠেকায়ে,
বলে ও রে আয়, আর দেবী নাই,
আয় সঙ্গে মোর, আমি নিয়ে যাই,
যে দেশে নাহিক সূর্য্য চন্দ্র তারা,
যেখানে দেখিবি অদেহী যাহারা ।

কোথা এবে তোর বয়স্ক যাহারা,
যাহাদের পেয়ে হয়ে জ্ঞানহারা,
যৌবন-মদিরা পিয়াছিলি রঙ্গে,
কৌতুক, বিলাস, ব্যসন তরঙ্গে,
ভাবিতিস্ ধরা শরীর মতন,
এখন তাদের কাঁদিছে ক'জন ।

দেখ একবার এই শেষ দেখা,
যাহাদের চিত্র তোর প্রাণে লেখা,
যাদের পাইয়া, মনের মতন,
সাজাইলি তোর ভব-নিকেতন,
পুত্র-পৌত্র-রূপ ভবরঙ্গচয়,
কোথা রবে এবে সেই সমুদয় ?

দেখে নে রে তোর স্নেহময়ী মায়,
(আর কতু চখে দেখিবি না যার,)

কাদিছে এখন হ'য়ে দিশেহারা,
ধরায় পড়িছে পাগলিনী-পারা,
সেও যাবে ভুলে কিছু দিন পরে,
কদাচিৎ যদি কভু মনে করে ।

অই দেখ তোর প্রাণাধিকা নারী,
যারে লয়ে তুই হ'লি রে সংসারী,
তোর মুখ চেয়ে করিছে ক্রন্দন,
নিষ্পন্দ নির্বাক্ পাষণ যেমন ;
কিছু কাল পরে সেও রে ভুলিবে,
ফিরে এলে কাছে চিনিতে নারিবে ।

দাঁড়িয়ে শিয়রে, হারায় সংবিৎ,
অই যে তোমার প্রাণের স্মৃৎ,
যারে কাছে পেলে আর সব ফেলে,
থাকিতে দিবস রজনী বিরলে,
কত দিন মনে রাখিবে তোমায়,
ভুলিবে যে দিন পাবে অন্য কায় ।

এই যে রে তোর গৃহ, অট্টালিকা,
মঠ, অশ্বশালা, তোরণ, পরিখা,
এ নাটমন্দির, হৃদ, পুষ্করিণী,
বিচিত্র চক্রিণী পতাকাশালিনী,
কোথা রবে সব মুদিলে নয়ন,
কে ভোগ করিবে এ সব তখন !

তুই নিজে যাবি ভুলিয়া সকলি—
দারা, পুত্র, সখা, এ ধরামণ্ডলী,
ধন, মান, যশ, ঐশর্য্য, বিভব,
দয়া, মায়া, স্নেহ, জনকলরব,
একাকী উলঙ্গ সঙ্গ যাবি মোর,
কিছুই সঙ্গতে যাবে না রে তোর ।

এই সব তরে হ'য়ে চিন্তাকুল,
 আজন্ম ঘুরিলি যেন বা বাতুল,
 সকলি ফেলিয়া যেতে হ'ল এবে,
 কার ধন, হায় ! এবে কেবা নেবে !
 সব(ই) ফেলে গেলি সব বিলাইলি,
 পথের সম্বল কিবা সঙ্গে নিলি ?

আচম্বিতে নাভিখাস দেখা দিল,
 মৃত্যুশয্যাশায়ী নয়ন মুদিল,
 ধীরে ধীরে মুখ হইল ব্যাদান,
 সেই পথে প্রাণ করিল পয়ান,
 ফুরাইল এক জীবের জীবন,
 ভাঙ্গিল ভবের একটি স্বপন ।

দিবস রজনী কত হেনরূপ
 শুনিছে মানব শমন-বিদ্রূপ,
 দেখিছে নয়নে কত শত জনে,
 ম'রে ফুরাইছে প্রতি ক্ষণে ক্ষণে,
 তবুও কিবা যে মায়ার বন্ধন,
 সে কথা কাহার(ও) থাকে না স্মরণ !
 কার সাধ্য বুঝে সংসাররচনা ?
 ধন্য, বিধি ! মায়ী-সৃজন-কল্পনা !

শিশু বিয়োগ

এ কি শুনি কার কান্না হেন নিদারুণ,
 বুঝি বা জননী কোন হয়ে শূণ্যকোল,
 কান্দিতেছে হেন রূপে করি উতরোল,
 দিবা নিশি কেঁদে চক্ষু করিছে অরুণ ।

কেন হেন ভগবান্ দুর্বল মানবে,
 কর দক্ষ চিরদিন শোকের অনলে,

এ কি খেলা খেলাও হে এ ভব-মণ্ডলে,
ভাসাইয়া নর নারী দুঃখের অর্গবে ।

কি পাপ করিল শিশু এই অল্প কালে,
অনায়াসে মৃত্যুমুখে নিক্ষেপিলে তারে,
হ'ল না দয়ার পাত্র তোমার বিচারে,
কেন কৰ্মভূমে তবে তাহারে পাঠালে ।

না না, কিবা কোন(ও) পাপ ছিল না উহার,
মাতা পিতা পাতকের(ই) শুধু এই ফল,
কেন তবে দেখাইলে তারে এ ভূতল,
নির্দোষী জীবন কেন করিলে সংহার ।

অথবা সে পূর্বজন্মে ছিল মহাতপা,
তাই তারে না ছুঁইতে ধরণীর ক্লেদ,
সকালে সকালে তার করিলে উচ্ছেদ,
ভালবাসা জানাইতে করিলে হে কৃপা ।

এই যদি ছিল মনে ওহে দয়াময়,
কেন তবে মায়ে তার দিলে গর্ভক্লেশ,
কেন আশা দিয়ে, বুকে ছুরি দিলে শেষ,
প্রভু, এ তো করুণার কার্য্য কভু নয় ।

একবার মা'র মুখ চেয়ে দেখ তার,
কি ছিল বা গত নিশি কি হয়েছে এবে,
ডাকিছে তোমায় দেব পুরাতে অভাবে,
সে শক্তি ব্রহ্মাণ্ডপতি নাহি কি তোমার ।

সে শক্তি না থাকে যদি আপনিই এস,
কোল শোভা কর তার শিশুরূপ ধরি,
তুমি ত সকলি পার ব্রহ্মনাথ হরি,
কেন না এ রূপে আসি অভাগীরে তোষ ।

বুঝি না তোমার দেব ভবলীলা-খেলা,
এ রূপে কেন বা জীবে হাসাও কাঁদাও,
কেন মারো কেন কাটো কি সাধ পূরাও,
আচার বিচার কি যে কেন বা এ খেলা ?

জানি তুমি আছ সত্য ব্যক্ত চরাচরে,
সত্য তুমি দয়াময় বুঝিতেও পারি,
ভবের রহস্য শুধু বুঝিবারে নারি,
নিষ্ঠুরতা হেরি তার পরাণ শিহরে ।

দয়াল নামটি নাথ বড়ই মধুর,
কলঙ্ক হেরিলে তার প্রাণে বাধা পাই,
তাই জিজ্ঞাসিছি এত ক্রম হে গৌসাই,
মনের এ ঘোর ধাঁধা ভেঙ্গে কর চূর ।

ব্রজবালক

সুচারু সুন্দর বিনোদ রায়,
কে সাজালে তোমা হেন শোভায়,
নয়ন বন্ধিম কিবা স্ঠাম,
চারু গ্রীবাভঙ্গি ঈষৎ বাম,
ভালে ভুরুযুগ আকর্ষণ টান,
অপাঙ্গভঙ্গিতে চমকে প্রাণ,
মোহন মূরতি চিকণকলা,
রূপের ছটায় জগ উজ্জ্বলা ।
মুখে যুহু হাসি, অলকা সাজে,
মধুর মুরলী অধরে বাজে,
শিখিপুচ্ছে চূড়া ঈষৎ বাঁকা,
ললাটে কপোলে তিলক আঁকা,
নব ঘনঘটা দেহের কাস্তি,
দেখিলে নয়নে উপজে ভ্রাস্তি,

পীত ধড়া আঁটা কটিতে তায়,
 মেঘেতে যেন বিজলী খেলায়,
 বন্ধ সুবিশাল, কটি সুক্ষীণ,
 মনোহর বপু উপমাহীন,
 ভূজ-দণ্ড-লতা জিনি যুগল,
 করপদতলছটা প্রবাল ।
 বনফুলমালা গলায় সাজে,
 চলিতে চরণে নূপুর বাজে,
 নটবর-বেশ রসিকরাজ,
 সদাই বিহরে নিকুঞ্জ মাঝ,
 সুগন্ধ সৌন্দর্য্যে সদা বিহ্বল,
 সদা রঙ্গরসে ক্রীড়াকুশল,
 কদম্বের তলে মুরলী মুখে,
 ত্রিভঙ্গ ভঙ্গীতে দাঁড়িয়ে সুখে,
 বাঁশরীর রবে শিখী নাচায়,
 বাঁশরীর রবে খেঁচু চরায়,
 যাহার মধুর বাঁশীর গানে,
 যমুনার জল চলে উজানে,
 ব্রজের রাখালে অতুল রূপ,
 দিয়া সাজায়েছে জগত-ভূপ,
 হেন কাল রূপ আর কি আছে,
 এখন(ও) নাচিছে নয়ন কাছে,
 প্রেম ভক্তি পথ শিখাতে লোকে,
 যার হৃদি পূর্ণ হয় আলোকে,
 এ মুরতি যার মনে উদয়,
 সে জন কখন মানুষ নয় ।

কবিতা সুন্দরী

অশোকের তলে, যেন শশী অলে,

হেন রূপবতী নারী,

ভাবিছে একাকী, করে গণ্ড রাধি,

অপূর্ব শোভা প্রসারি ।

সুনিবিড় কেশ, ঢাকি পৃষ্ঠদেশ,

ছড়িয়ে পড়েছে এলা,

ঘুরিছে ফিরিছে, উড়িছে পড়িছে,

পবনে করিছে খেলা ।

নব তৃণদল, আসন কোমল,

বসেছে চরণ মেলি ;

রাজ্য পদতল, করে ঝলমল,

তরুদেহে আছে হেলি ।

করিশুণ্ডাকার, ক্রমে লঘুভার,

উরু জিনি সুকদলী ।

নিতম্ব পীবর, স্তন মনোহর,

অক্ষুট কমলকলি ।

ত্রিবলী অঙ্কিত, কণ্ঠ সুশোভিত,

পঙ্ক বিশ্ব গুণধর ।

সিন্দূরে মার্জিত, মুকুতার মত,

দস্তপাঁতি শোভাকর ।

শ্রবণ-কুহর, মদনের গড়,

বাঁশরী-সদৃশ নাসা ।

শ্বেতান্ন বরণ, চন্দ্রনিভানন,

খঞ্জননয়ন ভাসা ।

পুষ্প ধরে ধর, শোভা মনোহর,

শাখা এক শিরোপরে,

মন্দ মন্দ দোলে, পবনহিল্লোলে,

বৈসে বামা গণ্ড করে ।

ডালে ডালে পাখী, নানা বর্ণ মাখি,
করিছে মধুর গান ;

থেকে থেকে থেকে, ডালে অঙ্গ ঢেকে,
কেহ ধরে উচ্চ তান ।

মন্দ মন্দ বায়, তরু অঙ্গে ধায়,
পত্র কাঁপে থর থর ;

পবনহিল্লোলে, পল্লবের দোলে,
শব্দ হয় মর মর ।

কত বনচর, তনু মনোহর,
আবৃত রঞ্জিত লোমে,

অভয় পরাণে, দূরে সন্নিধানে,
অবিরত সুখে ভ্রমে ।

হরিণী সুন্দরী, শিশু কাছে করি,
ভ্রমে নৃত্য করি সুখে ।

করিণী সুখিনী, তুলে মৃগালিনী,
দেয় নিজ শিশু-মুখে ।

গাভী বৎস চরে, হাওয়া রব করে,
কেহ না দেখিলে কায় ।

চরিতে চরিতে, চমকিত চিতে,
তৃণমুখে মৃগ ধায় ।

ভ্রমে নীল গাই, প্রাণে ভয় নাই,
অদূরে অথবা দূরে !

বিচরে চমরী, লোমশী সুন্দরী,
বন মাঝে ঘুরে ঘুরে ।

সেথা পরকাশে, প্রমত্ত উল্লাসে,
কবি-প্রিয় ঋতুচয়,

বসন্ত, বরষা, সরস, সুরসা,
শরত সৌন্দর্য্যময় ।

নিকটে উদ্যান, অতি রম্য স্থান,
দেবতা গন্ধর্ব্ব ভূলে ;

সব রস যেন, মূর্তিমান্ হেন,
 হৃদয়ে প্রত্যয় হয় ।
 ক্রোধ ভয় আদি, মথে বামা-হৃদি,
 কভু অশ্রুধারা বয় ।
 হেন রূপে কেলি, নব রস মেলি,
 ক'রে সমাদর রাখে ;
 ক্রীড়া সমাপনে, তৃষিত নয়নে,
 বামারে ঘেরিয়া থাকে ।
 সে বামারে ঘেরি, বসিয়াছে হেরি,
 মহাপ্রাণী কত জন ।
 অনিমিষ নেত্র, নাহি পড়ে পত্র,
 হেরে সে রাজা চরণ ।
 কত ঋষি নর, মহাজ্যোতিধর,
 বসেছে বামারে ঘেরে ।
 স্বদেশী বিদেশী, কতই যশস্বী,
 কেবা সংখ্যা তার করে ।
 সেখানে বসিয়া, জ্যোতি ছড়াইয়া,
 মহাকবি ঋষি ব্যাস ।
 নব প্রভাকর সম ছটাধর,
 বাল্মীকি সেথা প্রকাশ ।
 কবি কালিদাস সুধা সম ভাব,
 বাণী-বরপুত্র যেই ;
 অমরের ছবি সেকলপীর কবি,
 বিজুলি যেন খেলই ।
 ধরণী উজলি, বুধের মণ্ডলী,
 বসে সেথা স্তরে স্তরে ;
 নিজ যন্ত্রধরে, সুধা-কণ্ঠস্বরে,
 সে চরণ পূজা করে ।
 দেব মনোলোভা, হেরি সেই শোভা,
 কার না বাসনা করে,

এ যশোমালায়, পরিতে গলায়,
 রাধিতে হৃদয়ে ধ'রে ।
 অয়ি নিরুপমে, মম হৃদি-ধামে,
 বাসনা আছিল কত ;
 তব আরাধনা, তোমার সাধনা,
 করিব জীবন-ব্রত ।
 ভুলে নিজ ভ্রমে, বৃথা পরিভ্রমে,
 জীবন ফুরায়ে এল ।
 না লভিহু ধন, না সাধিহু পণ,
 হুকূল ভাসিয়া গেল ।
 এবে নহে সাধে, পড়িয়া বিপদে,
 আবার তোমারে ডাকি,
 হয়ো না নিদয়া, কর দাসে দয়া,
 ভক্ত ব'লে মনে রাখি ।
 তুমি ক্ষেমঙ্করী, নিজে কমা করি,
 ভুল না মায়ের মায়া ।
 ক্ষমি অপরাধ, পুরাইও সাধ,
 দিও দেবি পদছায়া ।

সমাপ্ত

